



## Statens vegvesen

Aasmund E Roterud

6873 MARIFJØRA

Behandlande eining:  
Region vest

Sakshandsamar/telefon:  
Marianne Skulstad / 55516253

Vår referanse:  
16/132913-4

Dykkar referanse:

Vår dato:  
31.01.2017

### Avkøyrslø Meland – gnr. 5 bnr. 47 – Meland kommune

Vi viser til dine førespurnader den 29.08 og 26.09.2016 med ønske om synfaring og godkjenning av avkøyrslø til eigedom gnr. 5 bnr. 47 i Meland kommune.

Vi viser vidare til vårt brev datert 29.09.2016 der vi gjer merksam på at førehandstilsegna for avkjørslø, datert 06.10.2011, er forelda, og at vi vil gjere ei ny vurdering av saka. Vi bad samstundes om at tilleggsoppløysningar til saka vart sendt til Statens vegvesen.

Fv. 564 har haldningsklasse 2 i *Rammeplan for avkøyrslø og byggjegrønsler på riks- og fylkesveggar i Region vest*. Dette betyr mellom anna at det skal vere svært avgrensa med avkøyrslø langs vegen, og at det normalt er krav om stadfesta reguleringsplan for nye avkøyrslø. Plassering av nye avkøyrslø skal vurderast nøye med tanke på framtidig arealutvikling.

#### Reguleringsplanarbeid for fv. 564

Statens vegvesen planlegg for tida oppstart av reguleringsplanarbeid for fv. 564 på strekninga Fløksand – Vikebø. Bakgrunn for planarbeidet er at strekninga er høgt prioritert i Nordhordlandspakken, som skal handsamast av Stortinget våren 2017.

Denne vegen går forbi din eigedom. Hovudføremål med arbeidet er å trafikkisikre vegen for mjuke trafikantar, samt generell opprusting av vegen. I denne prosessen er det naturleg å avgrense tal på avkøyrslø, for å betre tryggleiken på strekningen. Vegen vil verte breiare, men det er førebels for tidleg å vurdere kva verknad dette vil ha på din eigedom.

Det vil òg bli vurdert justering av vegtraseen, noko som både kan verte positivt og negativt for eigedomen din.

På bakgrunn av den uklare plansituasjonen på strekningen, kan ikkje Statens vegvesen fornye førehandstilsegna for avkjørslø no. Spørsmålet kan tas opp til ny vurdering når reguleringsplan for strekninga er utarbeidd og stadfesta.

Postadresse  
Statens vegvesen  
Region vest  
Askedalen 4  
6863 LEIKANGER

Telefon: 02030  
firmapost-vest@vegvesen.no  
Org.nr: 971032081

Kontoradresse  
Nygårdsgaten 112  
5008 BERGEN

Fakturaadresse  
Statens vegvesen  
Landsdekkende regnskap  
9815 Vadsø

### **Vedtak – avslag på avkøyrsla**

Med heimel i veglova §§ 40 – 43 vedtek Regionsvegkontoret å avslå søknad om avkøyrsla til eigedom gnr. 5 bnr. 47 i Meland kommune.

#### **Grunngeving for avslag**

Fv. 564 Rosslandsvegen har i dag haldningsklasse 2, og tal på avkøyrslar skal vere avgrensa. Det skal òg utarbeidast reguleringsplan for fv. 564 Fløksand – Vikebø, der veganlegget venteleg vert vesentleg breiare enn dagens veg. Statens vegvesen vil ikkje gi løyve til tiltak som kan komme i vegen for det framtidige veganlegget.

Vedtaket kan påklagast, jamfør vedlagt "Melding om rett til å klage over forvaltningsvedtak".

#### **Stenging av avkøyrsla**

Avkøyrsla er i dag ikkje godkjent og Statens vegvesen ber derfor om at den vert fysisk stengt, for eksempel ved grøfting eller plassering av steinblokker i avkøyrsla. Du får ein frist på 3 månader til å stenge avkøyrsla. Når arbeidet med stenging av avkøyrsla er utført ber vi om at du tar kontakt med sakshandsamar. Dersom avkøyrsla ikkje vert stengt innan fristen, vil vegvesenet stenge avkøyrsla på din kostnad.

### **Vedtak – stenging av avkøyrsla**

Med heimel i veglova § 42 vedtek vegvesenet at avkøyrsla vert stengt innan 30.april 2017. Er arbeidet ikkje utført innan fristen, kan vegkontoret utføre arbeidet på din kostnad.

Vedtaket kan påklagast, jamfør vedlagt "Melding om rett til å klage over forvaltningsvedtak".

#### **Om dispensasjon frå byggjegrænse**

Statens vegvesen gav i 2013 dispensasjon frå byggjegrænse for tilbygg til fritidsbustaden. Denne dispensasjonen hadde 3 års gyldigheit. Vi vil derfor orientere om at dispensasjonen ikkje lenger er gyldig, og venteleg ikkje vil verte fornya slik plansituasjonen er no.

Plan- og forvaltningsseksjon Bergen  
Med helsing

Kari Elster Moen  
overingeniør

Marianne Skulstad  
senioringeniør

*Dokumentet er godkjent elektronisk og har difor ingen handskrivne signaturar.*

Kopi  
Meland kommune, Postboks 79, 5906 FREKHAUG

(1) Sendar (stemplet til forvaltningsorganet)



**Statens vegvesen**  
**Region vest**

## Melding om rett til å klage over forvaltningsvedtak

(Forvaltningslova § 27 tredje leddet)

(2) Dato

(3) Mottakar (namn og adresse)

(4) Klageinstans

Klagenemnda i Hordaland fylkeskommune

### Denne meldinga gjev viktige opplysningar dersom De vil klage på eit vedtak De er gjord kjend med.

**Klagerett**

De har rett til å klage på vedtaket.

**Kven kan De klage til?**

Klaga sender De til oss, dvs. det organet som er ført opp i rubrikk (1). Dersom vi ikkje endrar vedtaket vårt som følgje av klaga, sender vi klaga over til klageinstansen, jf. rubrikk (4).

**Klagefrist**

Klagefristen er tre - 3 - veker frå den dagen dette brevet kom fram. Det er nok at klaga er postlagd før fristen går ut. Dersom De klagar så seint at det kan vere uklart for oss om De har klaga i rett tid, bør De oppgje datoen for når De fekk dette brevet. Dersom De klagar for seint, kan vi sjå bort frå klaga. De kan søkje om å få lengre klagefrist, og da må De nemne grunnen til at De ønskjer det.

**Rett til å krevje  
grunngeving**

Dersom De meiner at vi ikkje har grunngeve vedtaket, kan De krevje ei slik grunngeving før fristen går ut. Ny klagefrist blir då rekna frå den dagen De får grunngevinga.

**Innhaldet i klaga**

De må presisere

- kva for eit vedtak De klagar på
  - årsaka til at De klagar
  - den eller dei endringar De ønskjer
  - eventuelt andre opplysningar som kan ha noko å seie for vurderinga av klaga
- Klaga må underskrivast.

**Utsetjing av gjennom-  
føringa av vedtaket**

Jamvel om De har klagerett, kan vedtaket til vanleg setjas i verk med det same. Men de kan søkje om å få utsett gjennomføringa av vedtaket til klagefristen er ute eller til klaga er avgjort.

**Rett til å sjå saksdoku-  
menta og til å krevje  
rettleiing**

Med visse unntak har De rett til å sjå dokumenta i saka. Reglane om dette finst i § 18 og § 19 i forvaltningslova. De må i tilfelle ta kontakt med oss, jf. rubrikk (1). De vil då få nærmare rettleiing om retten til å klage, om framgangsmåten og om reglane for saksgangen.

**Kostnadene med klagesaka**

De kan søkje om å få dekt utgifter til den advokathjelpa De treng, etter reglane om fritt rettsråd. Her gjeld det visse grenser for inntekt og eige. Fylkesmannen eller advokaten Dykkar kan gje nærmare opplysningar om dette. Dersom vedtaket er endra til Dykkar fordel, kan De etter forvaltningslova ha krav på å få dekt store kostnader som har vore naudsynte for å få endra vedtaket. Klageinstansen (jf. rubrikk (4)) vil orientere Dykk om retten til å krevje slik dekning.

**Klage til  
Sivilombodsmannen**

Dersom De meiner at De har vore utsett for urett frå den offentlege forvaltninga, kan De klage til Stortingsombodet for forvaltninga (Sivilombodsmannen). Sivilombodsmannen kan ikkje sjølv endre vedtaket, men kan gje si vurdering av korleis den offentlege forvaltninga har handsama saka, og om dei har gjort feil eller forsømt noko. Dette gjeld likevel ikkje i saker som er avgjorde av Kongen i statsråd. Dersom De no får klaga Dykkar avgjort i statsråd fordi Kongen er klageinstans, kan De såleis ikkje seinare føre saka inn for Sivilombodsmannen.

Særlege opplysningar